

Nr 1380

Riikksuávtõõzz asetõs

Meä'cchalltõõzzâst

U'vddum Helssnest rosttovmannu 30. peei'v 2004

Riikksuávtõõzz riásshmõõžž mie'lddsânji, kää'tt lij tuejjuum mädđ- da meäcctäällministeria alttõõzzâst, šio'tt'teet Meä'cchalltõõzzâst rosttovmannu 30. peei'v 2004 u'vddum lää'jj (1378/2004) nuä'jin:

1 §

Halltõs

Meä'cchalltõõzz halltõõzzâst liä uu'cc-mõsân vitt da jeänmõsân čiččâm vuäzzla. Riikksuávtõs nõõmat halltõõzz vuäzzlaid da mie'rrat vuäzzlain õõut saaggjää'dteejen da õõut vää'rrsaaggjää'dteejen.

Halltõõzz vuäzzlast älgg lee'd Meä'cchalltõõzz tuäjjvu'd, jäärnäk'tääl le'be vouddsai kōõččmõõžž ä'sštobddmõš. Vuäzzlaž älgg lee'd ķeäštõõttâmvue'jj ouddlâ'sttem nälla tiuddvä'lddlaž.

Halltõõzz vuäzzlain õhtt mie'rreet Meä'cchalltõõzz personkāā'ddi vaalšum oummui kōõškâst, õhtt mädđ- da meä'cctäällministeriast, õhtt pirrõsministeriast da õhtt Sää'mjännam lää'nast.

2 §

Halltõõzz tuäi

Meä'cchalltõõzzâst u'vddum lää'jj (1378/2004) 16 §:f 3 momentest šio'tt'tuum lää'ssen da 10 §:f 2 momentest šio'tt'tuum mokstummuužžin halltõs häidd tuäjjaid, koid šio'tt'teet riikk jäärnäk'strooitli'n u'vddum lää'jj (1185/2002), mâäibeä'lnn *jäärnäk'strooite'llää'kk*, 10 §:f 1 da 2 momentest. Lää'ssen halltõs

1) reäšš jäärnäk'tuäim hä'ddtummuužž vuäddjurddsin da hä'ddtummuužž kuõskki riáššõmvää'ld ää'nnmest;

2) reäšš jäärnäk'tuäim alttummuužžâst da puttummuužžâst;

3) reäšš Meä'cchalltõõzz takai vaaldšumuštuäjjai da tõi teäggtdõõzz kuõskki suäppmõõžž vuäddjurddsin takai vaaldšummuštuäjjai jii'jjes-i juäkkaz ceälkkmuužž vuäžžmest.

4) reäšš jäärnäk'strooite'llää'jj 3 §:f 2 momentest jurddum vuä'sskee'rji, vuä'ssbie'lvuõdi le'be vuäzzlažvuõdi ha'ḡkkummuužž da luõvtummuužž kuõskki alttõõzz raajjmest;

5) reäšš Meä'cchalltõõzzâst u'vddum lää'jj 17 §:st jurddum tuäkkõõzz u'vddmest;

6) reäšš 7 §:st jurddum Meä'cchalltõõzz ceälkkmuužžin;

7) reäšš Meä'cchalltõõzz tuäimm'muužž sizz kuulli aa'sši vahssmuužžâst da vaarnallšem vaaldšummuužžâst;

8) reäšš tuäimtõsjää'dteei tuäi kuõskki suäppmõõžž määinain;

9) reäšš tuäimtõsjää'dteei säjjsain;

10) reäšš alttõõzz raajjmest mädđ- da meä'cctäällministre tuäimtõsjää'dteei meädđ sārnnmõõžžâst; di

11) kiõtt'tääll da reäšš jee'rbi Meä'cchalltõõzz vuäinnmuužž mie'ldd šurrmiärkksaž le'be vuäddjurddlânji vääžnai aa'sšid.

3 §

Riâššâmtuâimm halltõõzzâst

Halltõs noorâatt saaggjââ'dteei, le'be jos son lij meadda, vââ'rrsaaggjââ'dteei kâččmest.

Halltõs lij riâššâmvâ'lddvuõđlaž, gu saaggjââ'dteei le'be vââ'rrsaaggjââ'dteei da uu'ccmõsân pie'll jee'res vuâzzlain lij pââi'k â'lnn.

Halltõõzz riâššmõõžž tuejjeet prââstai jeâ'nbõs jiõnin. Jos jiõn mâ'nne tâssa, riâššmõõžžân vââ'ltet te'l tõt sârnnmõš, koon sââbbar saaggjââ'dteei lij kânntam.

Halltõõzz vuâzzlast lij vuõiggâdvuõtt kee'rjtâttee'l vuâžžad â'sše kuõskki jee'rab sârnnmõš pârddkerjja.

Halltõs oudd tää'rkab mie'rrõõzzid ää'sš kiõtt'tõõllmest halltõõzzâst.

4 §

Pä'lkõõzz

Mädd- da meä'cctäällministeria mie'rrat halltõõzz vuâzzlai da tiilta'rkkeejai pä'lkõõzzid.

5 §

Tuâimtõsjââ'dteei

Meä'cchalltõõzzâst u'vddum lää'jj 10 §:f 3 momentest šiõtt'tuum mokstummuužžin tuâimtõsjââ'dteei hâidd tuâjaid, koin šiõtt'teet jäärnâkstrooite'llä'jj 11 §:st.

Tuâimtõsjââ'dteeijest lij suurmössuur ärvvnõmm.

6 §

Ķe'lbbjemvuõđõõlgtõõzz

Tuâimtõsjââ'dteeijest õõlgtet tuõjju suâppâm pââibuž õllskooultu'tkkõs, jäärnâk-tääl da Meä'cchalltõõzz tuâjvvu'd tobdd-mõõžž di jââ'dtemnäältobddmõõžž da tuâjast vuâžžum da čuâjtum jââ'dtemsilttõõzz.

Luâdkäâzzkâ'stemjââ'dteeijest õõlgtet vergga suâppâm pââibuž õllskooultu'tkkõs, toobdštõõtmõõžž takai vaaldsummuštuâjai

jii'jjes-i juâkkõ'sše kuulli tuâjai di jââ'dtemnäältobddmõõžž da tuâjast vuâžžum da čuâjtum jââ'dtemsilttõõzz.

Meä'ccjânnamtäällšoormõõžžâst õõlgtet vergga suâppâm pââibuž õllskooultu'tkkõs da toobdštõõtmõõžž meä'ccjânnma kuulli aa'sšid.

Meä'cchalltõõzz vee'rjid õõlgtet, što ä'sšvuâ'msteei lij ääi'jbuž tuâimm'muužžin čuâ'jtam nâkam silttummuužž da pâ'sttmuužž, koon vee'rj õõudâsviikkâm hâiddmõš ouddlâ'stt.

7 §

Nõõmtummuš

Tuâimtõsjââ'dteei nõõmtummuužžâst šiõtt'teet Meä'cchalltõõzzâst u'vddum lää'jjest. Ou'ddel nõõmtummuužž ää'sšest âlgg äännad Meä'cchalltõõzz ceälkkmuš.

Luâdkäâzzkâ'stemjââ'dteei vergga nõõmat riikksuâvtõs pirrõsministeria alttõõzzâst. Ou'ddel nõõmtummuužž ää'sšest âlgg äännad mädd- da meä'cctäällministeria di Meä'cchalltõõzz ceälkkmuš.

Meä'ccjânnamtäällšoormõõžž vergga nõõmat mädd- da meä'cctäällministeria. Ou'ddel nõõmtummuužž ää'sšest âlgg äännad Meä'cchalltõõzz ceälkkmuš.

8 §

Saaggstõõllâmkââ'dd

Mädd- da meä'cctäällministeria peejj koolm eeggaz vuârstes saaggstõõllâm-koo'ddid Sää'mjânnam lään da Oulu lään di Tâ'vv-Ka'rjel mäddkââ'dd vuu'did. Pukid saaggstõõllâmkodda ko'lle mädd- da meä'cctäällministeria mierruum saaggjââ'dteei da vââ'rrsaaggjââ'dteei di ââu'c jee'res vuâzzla, koin pukin lij vââ'rrvuâzzlaž. Saaggstõõllâm-kodda kuulli vuâzzla â'lğge ee'tkâ'sted meer, meä'cctääl, jie'llemvue'kkjâäl, pirrõssuejjummuužž da meerlažleettid. Ou'ddel saaggstõõllâmkoo'ddi piijjmuužž mädd- da meä'cctäällministeria äänn ooudbeä'lnn peâggum laanai läänhalltõõzzin da ä'sšvuâ'msteei mäddkoo'ddi leettin

ceäkkmuužžid saaggstõõllâmkodda vaalšum
oummin.

Saaggstõõllâmkoo'ddi tuâjj liâ:

1) u'vdded Meä'cchalltõ'sse ceäkkmuu-
žžid vääžnai riikk mäd- da čää'ccvuu'di
âânnmõ'sše kuõskki kõõččmõõžžin;

2) tuejjeed Meä'cchalltõ'sse alttõõžžid
lokku vää'ldē'l pääiklaž meeri sââi da
tuâimi õ'htesuâvtõõllâm diõtt Meä'cchallt-
õõžž tuâimm'muužž planmen.

9 §

Õhtsažtuâjjä'rttel

Meä'cchalltõs vuäitt piijjâd dâmpäi'kk-
voudda õhtsažtuâjjä'rttlid, koozz ko'lle
Meä'cchalltõõžž da vuu'd meer ä'sšviikki.

Helssnest rosttovmannu 30. peei'v 2004

Mäd- da meä'cctäällminister *Juha Korkeaola*

10 §

Viõ'kkēpuättmuš- da serddšiõtt'tõõžž

Tät asetõs puätt viõ'kkē tä'lvvmannu 1.
peei'v 2005.

Ou'ddel asetõõžž viõ'kkēpuä'ttmuužž
voudsa pijjum saaggstõõllâmkââ'dd
juä'tkkē tuâimm'muužžes tuâimpââi lo'ppe

Mâi'd jee'ressââ'jest šiõtt'teet Meä'cc-
halltõõžž luâdsuejjeemtuâjai tuejjei jii'jjes-i
juâkkaz šoormõžž vee'rjest, kuâsk asetõõžž
viõ'kkē puä'ttmest Meä'cchalltõõžž takai
vaa'ldšummuštuâjai jii'jjes-i juâkkaz šoor-
mõžž vee'rj.

Ou'ddel asetõõžž viõ'kkēpuättmuužž
vui'tet riõmmâd viõ'kkēpiijâm oudldõs
tuâimid.

Halltõssaaggstõõlli Matti Setälä

Edita Prima Ab. Helsingfors 2005